



Na osnovu člana 13. Zakona o kantonalnoj agenciji za privatizaciju ("Sl.novine Tuzlansko-podrinjskog kantona", broj 3/97), člana 9. Zakona o privatizaciji preduzeća ("Sl.novine FBiH", broj 27/97), poglavlja IV. Uredbe o metodologiji za pripremu programa i izradu početnog bilansa preduzeća za privatizaciju ("Sl.novine FBiH", broj 10/98) i člana 3. Uredbe o izmjenama i dopune uredbe o metodologiji za pripremu programa i izradu početnog bilansa preduzeća za privatizaciju ("Sl.novine FBiH", broj 26/98), Odluke o utvrđivanju procenta državnog/društvenog kapitala preduzeća za prodaju u velikoj privatizaciji ("Sl.novine FBiH" broj 36/2000) i Odluke o Registru preduzeća za veliku privatizaciju sa pripadajućim kapitalom ("Sl.novine FBiH" broj 33/2000), Upravnog odbora Agencije za privatizaciju u Federaciji BiH, i Odluke Upravnog odbora Kantonalne agencije za privatizaciju Tuzlanskog kantona od 23.10.2000. godine, Direktor Kantonalne agencije za privatizaciju Tuzlanskog kantona donosi

**R J E Š E N J E**  
**o odobravanju programa privatizacije i početnog bilansa**  
**preduzeća DD "TUZLAPREVOZ" Tuzla**

Odobrava se program privatizacije preduzeća DD "TUZLAPREVOZ" Tuzla, sa sjedištem u Tuzli, JMB 1355457, sa kombinovanim metodom prodaje.

Odobrava se početni bilans preduzeća DD "TUZLAPREVOZ" Tuzla, na dan 31.12.1999.godine, sa sljedećim veličinom i strukturom kapitala:

Ukupan kapital preduzeća iznosi	2.574.114,00 KM
Nominalna vrijednost dioničkog kapitala iznosi	107.425,00 KM (4,17328%)
Nominalna vrijednost državnog kapitala iznosi	2.466.689,00 KM (95,82672%)

Državni kapital u nominalnom iznosu od 1.724.700,00 KM (67,00 % ukupnog kapitala) prodaje se u postupku velike privatizacije prodajom dionica metodom tendera.

Nominalna vrijednost jedne dionice iznosi 100,00 KM.

Državni kapital u nominalnom iznosu od 741.989,00 KM (28,83% ukupnog kapitala) prodaje se u postupku velike privatizacije metodom javne ponude dionica.

Donošenjem ovog Rješenja stavlja se van snage Rješenje o odobravanju programa privatizacije i početnog bilansa preduzeća broj 19/01-021-2696/2000 od 29.03.2000.godine i Rješenje o izmjeni "Rješenje o odobravanju programa privatizacije i početnog bilansa preduzeća DD "Tuzlaprevoz", Tuzla" broj 19/01-021-7078/2000 od 03.10.2000.godine.

*Obrazloženje*

Saglasno Odluci o utvrđivanju procenta državnog/društvenog kapitala preduzeća za prodaju u velikoj privatizaciji i Odluci o Registru preduzeća za veliku privatizaciju sa pripadajućim kapitalom, Upravnog odbora Agencije za privatizaciju u Federaciji BiH, i naknadnim uputama Međunarodne tender grupe i Upravnog odbora Agencije za privatizaciju u Federaciji BiH, Direktor Kantonalne agencije za privatizaciju TK je donio Rješenje kao u dispozitivu.

Protiv ovog Rješenja može se uložiti žalba resornom Ministarstvu putem KAP u roku od 15 dana od dana prijema Rješenja.

Žalbu može podnijeti Upravni odbor preduzeća.

Podnosilac žalbe dužan je uplatiti Kantonalno administrativnu taksu u iznosu od 5,00 KM, u korist Budžeta TK na ŽR br. 12200-840-094-2507 (KM)

za Direktor  
Prof. dr Sejfudin Zahirović

Broj: 19/01-021-7508/2000  
Tuzla: 23.10.2000.godine